

吳文節公遺集

第十冊

吳文簡公遺集

卷

七

吳文節公遺集卷三十二

男養原謹編

奏議

兵練殲擒粵匪摺

奏為委員帶練赴粵省邊界各墟堵捕賊匪並滇境防守弁兵兩次擊斃賊匪多名生擒二名緣由恭摺奏祈

聖鑒事竊照粵匪之大勝堂等股於六月初竄至鎮安府之容勞龍林果樂等墟焚劫滋擾漸次逼近廣南府之畢街等處經委員廣西州知州丁楚玉於六月十一日率同卸署普廳塘經歷許瀛管帶練勇七百餘名由

滇省之畢街徑赴粵界之隴河墟相機堵剿督令隴河等墟寨民亦層層築關設險為堅壁清野之計並令該經歷許瀛管帶練勇數百名逐步移營由隴河墟向南前進歷過粵境之小照陽關龍林墟安港墟直抵容勞墟大勝堂賊巢詎該賊匪等先期聞風逸去容勞墟現已無賊查該處北距滇境已三百餘里其歷過各墟司此逃避之寨民現亦紛紛搬回復業該委員丁楚玉率同該經歷許瀛督帶練勇仍回駐隴河畢街一帶俟粵省大兵進剿再行相機聲援合擊至容勞墟逸出之賊有仍向南奔往鎮安府城一帶者亦有逃向西北至滇粵遺界與交趾接壤之處者卽經飭令各關堡弁兵加

意嚴防旋據署廣南府知府劉禧祖委員廣西州知州
丁楚玉稟稱六月十八日傍晚經駐防竜洋關之千總
柯鳳璵聞有賊匪多人向關後繞越卽督帶兵丁施放
槍砲擊斃四五人時已昏黑賊亦暫退而附近駐防鐵
臘關之把總李光盤得信帶兵連夜趕至策應十九日
天明協同追捕復用槍砲擊斃賊匪九名餘賊皆翻山
逃向交趾邊界遠去又六月二十日經駐防上野關之
額外張鶴齡並委巡緝蕨莞那達等關之把總沙春藻一
同巡緝至粵省鎮安廳邊界瞭見賊匪一百餘人行向
交趾大興山口一路而來該弁等卽旁伏箐林俟其將
至迎頭施放槍砲擊斃賊匪十數名餘亦翻山向交趾

邊界逸去並生擒賊目張高五一名搜獲身帶大勝堂
先鋒印牌生擒散賊陳有耀一名奪獲小旗一桿簾牌
一面刀矛十三件張高五一犯解至中途因傷身死割
取首級並現犯陳有耀一名解經委員等訊據陳有耀
供係粵西大保縣人投大勝堂入夥隨同焚掠張高五
是湖廣人在大勝堂做先鋒伊等因聞滇省有大兵赴
粵會勦今起欲往遁外截頓不防經過此地打敗被捉
等供錄供稟報前來臣等當即批令將陳有耀一犯就
地正法並戮反傷斃擊斃各賊首級一併於各關口懸
竿示眾以昭炯戒並飭嚴督各員弁兵練仍須加緊巡
防不准絲毫疏懈除咨呈

欽差大臣暨廣西撫臣查照外理合恭摺奏

聞伏乞

皇上聖鑒再署廣南府晉廳塘經歷候補經歷許漁前次督築各關堡極為認真嗣飭督帶民練土練該員能同其甘苦各練均悅服用命五月間據報聞訃丁憂臣等因該經歷正資得力檄飭暫緩回籍卽在軍前守制幫辦諸勒事宜在案合併陳明謹

奏咸豐元年七月十九日奏奉

硃批知道了欽此

審擬思茅滋事匪徒摺

奏為續獲思茅邊外滋事逃匪審明分別定擬並將情

重各犯遵照章程恭請

王命卽行就地正法以昭炯戒恭摺

奏祈

聖鑒事竊查雲南普洱府屬之思茅廳邊外已革車里
宣慰土司刀繩武之子刀準臣由遷徙地方逃回勾結
野獠遊匪攻掠車里現襲土司刀正綜倉卒潛逃經猛
弁集練堵拏抵格刀準臣落江斃命夥黨藉言報復滋
擾近甲地方戕害巡防員弁兵役經前督臣程喬采迭
經調派官兵殲擒首要多名嗣又續獲逸匪李開沅等
暨酌議一切善後事宜先後分別

奏報在案現在該宣慰土司刀正綜業已回江地方請

謚第餘匪猶有竄匿巨等仍飭該處文武隨時嚴密搜捕毋使稍滋萌孽旋據普洱府知府李熙齡署思茅同知侯晟署思茅右營遊擊呂飛鵬督率巡防員弁兵後暨該土司練勇先後拏獲匪犯余舒汰余連生李滌張顯發李瑤董添明自保楊保段旺陳世詳李發藻十一名訊取確供稟報當經批飭解由迤南道勘辦去後復據報該犯自保楊保先後帶病進監身故又經批飭驗訊誅案彙辦在案茲據署迤南道吉廉提犯審擬具招咨送兼署雲南臬司史致蕃藩司徐有壬核議具詳前來臣等會同覆加確核緣該犯余舒汰等係雲南四川漢夷民人均在雲南思茅廳沿邊土境傭工度日先未

為匪道光三十年四月間有前經藏斃之刀準臣總以
王憫相李兆評張大頁為稟集練向各猛滋開該犯余
舒汰余連生李滌張顯發先後聽糾前往二十五日行
至相近甲地之猛旺金家灣地方適遇官兵練勇堵截
王憫相等起意拒敵余舒汰等允從隨同上前抗拒余
舒汰殺害兵丁夷練共二命余連生李滌各斃兵練一
命張顯發未經傷人五月間該犯李瑤董添明聞知王
憫相等在大樹脚紮營糾夥拒敵官兵聽糾前往幫助
董添明復代為糾人探聽官兵消息六月初九日與官
兵打仗李瑤在場助勢未經傷人董添明看守匪營王
憫相等復逼脇該犯自保楊保段旺入夥令其服役又

該犯陳世詳李發彙曾各容留張大頁名下匪練二名
在家住宿以上各情經該道府等研究明確此外尚無
不法重情案無遁飾查律載謀叛但共謀者不分首從
皆斬又例載諸色軍民窩藏強盜二名以上發近邊充
軍各等語此案余舒汰等聽糾滋鬧抗拒官兵殺斃兵
練一二命不等寔屬情同叛逆自應比律問擬余舒汰
余連生李滌三犯均請照謀叛不分首從皆斬律擬斬
立決從重加擬梟示張顯發李瑤董添明三犯或隨同
拒敵在場助勢或代為糾人探聽消息卽屬同謀均請
照謀叛但共謀者不分首從皆斬律擬斬立決該犯等
俱情罪重大漏網已久未便再稽顯戮臣等核明後卽

遵照

奏定辦理逆西匪徒章程檄飭逆南道會同普洱鎮恭請

王命將該犯余舒汰等綁赴市曹卽行正法應梟示者傳首犯事地方懸竿示衆以昭炯戒案係比照辦理家屬應免緣坐財產亦免入官自保楊保段旺三犯訊係被脅入夥受雇服役雖未隨同拒敵究屬濟惡均請於謀叛斬罪上量減一等擬發新疆給官兵為奴陳世詳李發藻二犯容留匪練已至二名均請照諸色軍民窩藏強盜二名以上發近邊充軍例發近邊充軍自保楊保業已在監病故應毋庸議餘俱照例刺字分別發遣

發配折責安置王憫相等等所許自保等工錢係屬虛賦
請免着追自保等帶病進監身故禁醫人等訊無凌虐
及誤用方藥情事亦毋庸議監覓職名並免查叅未獲
逸匪仍飭該處文武隨時嚴緝務期盡絕根株以肅邊
境除脩錄供冊咨部外所有續獲逸匪審明分別定擬
並情重各犯就地正法緣由臣等合詞恭摺具
奏伏乞

皇上聖鑒勅部核覆施行謹

奏咸豐元年八月二十七日奏奉

硃批刑部議奏欽此

雇錄赴粵摺

奏為准咨雇練委員帶赴粵西南寧府地方聽候調遣
協勦賊匪恭摺奏

聞仰祈

聖鑒事

臣

等於七月二十五日接准

欽差大臣寶尚阿會同廣西巡撫

臣

卹鳴鶴咨稱據藩

司勞崇光稟稱本司奉

奏派勦賊現在南太一帶收匪寔繁兵力稍單且他省
官兵撥往必多不服水土恐難得力訪聞雲南沙人僮
人勇敢善歸可稱勁旅並聞有現署雲南開化府文山
縣知縣劉卹高人甚勇往請移咨飭雇沙勇僮勇三千
名卽飭劉卹高營帶兼程來粵協勦等因咨會到臣等

臣等查沙人懷人豺狼野性言語不通但嗜殺而並不
善關平日散布各營獨須時時嚴責頭人拘之寨中勿
令逸出為匪若用以勦賊不獨難資約束且恐貽誤事
機惟臨安開廣各屬土民性耐烟瘴人亦勇壯結寔現
在滇省各邊界防堵亦多雇用此輩頗屬得力是以臣
等詳細商酌卽經飛飭文山建水等縣趕緊雇募土練
民練汰去老弱及將民不可靠之人或三千名急切雇
不足數卽一二千名亦可務期精壯得力迅速就通並
起劉邵高一人不敷營帶復札飭前經

奏明現駐廣南府辦理防堵事宜之廣西州知州丁楚
玉分投管帶練勇赴粵協勦於省標暨臨安各營酌量

撥借抬砲鳥槍火藥等項應用仍酌派佐雜二員武弁
二人隨同委員丁楚玉劉邵高分起行走以資管束一
面札飭藩司籌條銀六千兩分交該委員等帶為途次
練勇口糧需之去後茲據委員丁楚玉劉邵高先後稟稱
奉札後已趕緊分投招募練勇挑選精壯每人或帶一
千名或帶五六百名儘挑儘雇雇齊後卽日起程迺赴
南寧府勞藩司行營投候調遣等情前來除飛咨

欽差大臣暨廣西撫臣查照外所有准咨雇練委員帶
赴粵營協勦緣由臣等謹合詞恭摺具

奏伏乞

皇上聖鑒謹

奏咸豐元年八月二十日奉

硃批知道了欽此

委員接辦防堵片

再滇省鄰粵邊界現在賊蹤較遠均屬安堵如常臣等仍不時嚴飭在事文武加意巡警不准鬆勁至廣南地方最為緊要現在駐彼辦理防堵之委員丁楚五已派令帶練赴粵協勦因查有陸涼州知州馬宏圖人極勇往有為堪以接辦卽經札飭馳赴廣南會同該署府劉禧祖和衷商辦隨時親歷各隘嚴督弁兵練勇等動操演謹偵探以期有備無患理合附片陳明伏乞

聖鑒謹